

法苑珠林卷第五十四

濟四

詐僞篇第六十

此有六部

述意部

詐貴部

詐怖部

詐畜部

詐毒部

詐親部

詐婦部

述意部第一  
夫至道無隔貴在忠言故出其言善則千里應之出其言不善則咫尺如聲但教流末代人法訛替或憑真以構僞或飾虛以詐真良由人懷邪正故法通真俗名利既侵則我人逾盛現親尚無附之況元來踈薄故難交友故經曰直心是道場不虛假故也

詐親部第二

如雜寶藏經云一切姦猾詭僞詐惑外狀似直內懷奸私是故智者應察真僞爲如往昔

有婆羅門其年旣老耽娶小婦婦嫌夫老傍姪不已勸夫設會請諸少壯婆羅門等夫疑有妄不肯延致前婦之子墮於火中爾時少

婦眼看不捉婆羅門言兒今墮火何故不捉婦即答言我自少來唯近已夫不近餘男云

何令我捉此男子老夫聞已謂如其言便設大會集婆羅門爾時少婦便共交通老夫見已心懷忿恨即取寶物棄婦而去於其路中見一婆羅門便共爲伴至暮共宿明日前行語老婆羅門言於昨宿處有一草葉著我衣裳我自少來無侵世物欲還草葉歸彼主人爾且停住待我往還老婆羅門深信其言倍生愛敬許當住待詐捉草葉入溝偃卧良久乃還葉云歸了老婆羅門因便利故即以寶物而用寄之此人尋後齋寶便走老婆羅門

濟四

見偷已物惋彼不已小復前行憩一樹下見一鶴雀口中銜草語諸鳥言我等共相憐愍集會一處而共住止爾時諸鳥皆信其言而來聚集時此鶴雀趣鳥飛後就他巢窠啄卵而食諸鳥將至更復銜草諸鳥知詭悉捨而去於此樹下更經少時見一外道出家之人

身被衲衣安行徐步口云去去衆生老婆羅門而問之言何以並行口唱去去外道答言我出家人憐愍一切畏傷蟲蟻是故耳爾時婆羅門見其此語深生篤信尋至其家於其暮宿但聞歌儻之聲便出看之乃見出家外道住室有一地孔內出婦女與共交歡彈琴儻戲老婆羅門見已天下萬物無一可信故說偈言

不捉他男子 以草還主人 鶴雀詐銜草

外道畏蟲傷 口言唱去去 如是詐誨爲都無可信者 來苦實難當 故涅槃經云佛言如我昔日所說偈言

一切江河必有迴曲 一切叢林必名樹木 一切女人必有詭曲 一切自在必受安樂

### 詐毒部第三

如雜寶藏經云時提婆達多作種種因緣欲得殺佛然不能得時南天竺國有婆羅門來善知呪術和合毒藥提婆達多即合毒藥以散佛上風吹濟此藥反墮已頭上即便悶絕辟地欲死醫不能治阿難白佛言世尊提婆達多被毒欲死佛憐愍故爲說實語我從菩薩成佛已來於提婆達多常生慈悲無有惡心者毒當自滅作是語已毒即消滅諸比丘言希有世尊提婆達多恒起惡心於如來如來

云何猶故治之佛言非但今日惡心向我過  
去亦爾即問佛言惡心於佛其事云何佛言  
過去之世迦尸國中有波羅柰城有二輔相  
一名斯那二名惡意斯那常順法行惡意恒  
作惡行好爲讒構而語王言斯那欲作惡逆  
王即收閉諸天善神於虛空中出聲而言如  
濟四  
此賢人實無過罪云何拘縛第二惡意劫王  
庫藏反著斯那王亦不信王言捉此惡意付  
與斯那仰使斷之斯那即教惡意向王懺悔  
惡意自知有罪便走向毗提醯王所作一寶  
筐盛二惡蛇其毒具足令毗提醯王遣使送  
與彼國王并及斯那二人共看莫示餘人王  
見寶筐極以嚴飾心大歡喜即喚斯那欲共  
發看斯那答言遠來之物不得自看遠來果  
食不得自食何以故彼有惡人或能以惡來

見中傷王言我必欲看慇勸三諫王不用語  
復白王言不用臣語王自看之臣不能看王  
即發看兩眼盲冥不見於物斯那憂苦愁悴  
欲死遣人四出遍歷諸國遠覓良藥既得好  
藥以治王眼平復如故爾時王者舍利弗是  
爾時斯那者我身是爾時惡意者提婆達多  
濟四  
是也

#### 詐貴部第四

如僧祇律云佛告諸比丘過去世時有城名  
波羅柰國名迦尸時有弗盧醯大學婆羅門  
爲國王師常教學五百弟子時婆羅門家生  
一奴名迦羅呵常使供給諸童子等是奴利  
根聞說法言盡能憶持此一時共諸童子小  
有嫌恨便走他國詐自稱言我是盧醯婆羅  
門子字耶若達多語此國師言我是波羅柰

國王師弗盧醯子故來至此欲從大師學婆羅門法師答言可爾是奴聰明本已曾聞今復重聞悉能持其師大喜即令教授五百徒汝代我教我當往來王家是師無有男兒唯有一女即告之曰耶若達多當用我語汝莫還國我今以女妻汝答言從教共作生活家漸豐樂耶若達多爲人難可婦爲作食恒瞋生熟不能適口婦常念言脫有行人從波羅柰國來者當從彼受飲食法然後供養夫主彼弗盧醯婆羅門具聞是事便作是念我奴迦羅呵逃在他國當往捉來或可得直便詣彼國時奴與諸門徒詣園遊戲在於中路遙見本主即便驚怖密語門徒汝等還去各自誦習門徒去已便到主前頭面禮足白其主言我來此國稱道大家是我之父便投

此國師大學經典與女爲婦願尊今日勿彰我事當與奴直奉上大家主婆羅門善解世事即答言汝實我兒但早發遣奴即將主歸家告家中言我所親來其婦歡喜爲辦種種飲食奉食訖已伺小空閑密禮婆羅門足而問之曰我奉事夫飲食供養常不可意願尊指授本在家時何所食敢常如先法爲作飲食客婆羅門便即瞋恚而作是念如是如是困苦他女汝但速發遣我我臨去時教汝一偈使夫無言女聞歡喜辭出而退即語夫言尊婆羅門故從遠來宜早發遣夫即念言如婦所說宜應早遣莫令久住恐言漏失損我不少便大與財物教婦作食自行供之夫爲曹主求伴不在婦奉食訖禮足辭別請求先偈即教偈言

無親遊他方 欺詐天下人 魚食是常食  
細食復何嫌

今與汝此偈若彼瞋恚嫌食惡時便在其邊  
背面微誦令其得聞作是教已便還本國是  
奴送主去已每至食時還復瞋恚婦於夫邊

試誦其偈夫聞是偈心即不喜便作是念咄  
是老物發我瞋穢從是已後常作軟語求婦  
不瞋恐婦向人說其陰私佛告諸比丘時本  
主弗盧醯婆羅門者即我身是時奴迦羅呵  
者今闍陀比丘是彼於爾時已曾恃我凌他  
今復如是恃我勢力陵易他人

詐怖部第五

如智度論云一切諸法皆是虛詐衆生愚癡  
不識親疎瞋罵加害乃至奪命起此重罪故  
墮三塗受無量苦譬如山中有一佛圖彼中

有一別房房中有鬼頻來恐惱道人故諸道  
人皆捨房去有一客僧來維那處分令住此  
室房而語之言此房中有鬼神喜惱人能住  
中者住客僧自以持戒力多聞故言小鬼何  
所能爲我能伏之即入房住暮更有一僧來  
求此住處維那亦令在此房住亦語有鬼惱  
人其人亦言小鬼何所能爲我當伏之先入  
者閉戶端坐待鬼後來者夜闇打門求入先  
入者謂爲是鬼不爲開戶後來者極力打門  
在內僧人以力拒之外者得勝排門得入內  
者打之外者亦打至旦相見乃是故舊同學  
識已各相愧謝衆人雲集笑而怪之衆生亦  
復如是五陰皆虛無我無人取相鬪諍橫加  
毒害若披解在地但有骨肉無人無我是故  
菩薩語衆生言汝等莫於根本空中鬪諍人

身尚不可得何況值佛

詐畜部第六

如舊雜譬喻經云昔有婦人富有金銀與男子交通盡取金銀衣物相逐俱去到一急水河邊男子語言汝持財物來我先度之當還

濟四

迎汝男子度已便走不還婦人獨住水邊憂苦無人可救唯見一野狐捕得一鷹復見河魚捨鷹拾魚魚既不得復失本鷹婦語狐曰汝何大癡貪捕其兩不得其一狐言我癡尚可汝癡劇我也

又僧祇律云佛告諸比丘過去世時非時連雨七日不止諸放牧者七日不出時有餓狼飢行求食遍歷七村都無所得便自剋責我何薄相經歷七村都無所得不如守齋住還山林自於窟穴呴願言使一切衆生皆得安

隱然後攝身安坐閉目帝釋至齋日月乘伊羅白龍象觀察世間持戒破戒到彼山窟見狼閉目思惟便作是念咄哉狼獸甚爲奇特人尚無此心況此狼獸而能如是便欲試之知其虛實釋即變身化爲一羊在窟前住高聲命群狼時見羊便作是念竒哉齋福報應忽至我遊七村求食不獲今暫守齋餚鑄自來厨供已到但當食已然後守齋即便出穴往趣羊所羊見狼來便驚騎走狼便尋逐羊去不住追之既遠羊化爲狗方口耽耳反來逐狼急聲喚之狼見狗來驚怖還走狗急追之劣乃得免還至窟中便作是念我欲食彼反欲噉我爾時帝釋便於狼前作跛脚羊鳴喚而住狼作是念前者是狗我飢悶眼華謂爲是羊今所見者此眞是羊復更諦觀看耳

濟四

八

角尾真實是羊便出往趣羊復驚走騎逐垂  
得復化作狗反還逐狼亦復如前我欲食彼  
反欲見噉時天帝釋即於狼前化爲羔子鳴  
群喚母狼便瞋言汝作肉段我尚不出況爲  
羔子而欲見欺還更守齋靜心思惟時天帝  
釋知狼心念還齋猶作羊羔於狼前住狼便  
說偈言

若真實是羊 猶故不能出 情復作虛妄  
如前恐怖我 見我還齋已 汝復來見試  
假使爲肉段 猶尚不可信 情作羔羊子  
而詐喚咩濟四

於是世尊而說偈言

若有出家人 持戒心輕漂 不能捨利養

猶如狼守齋

又五分律云佛告諸比丘乃往古昔有一摩

納在山窟中誦刹利書有一野狐住其左右  
專聽誦書心有所解作是念言我解此書語  
足堪作諸獸中王作是念已便起遊行逢羸  
瘦野狐便欲殺之彼言何故殺我答言我是  
獸王汝不伏我是以相殺彼言願莫殺我我

當隨從於是二狐便共遊行復逢一狐又欲  
殺之間答如上亦言隨從如是展轉伏一切  
狐便以群狐伏一切象復以衆象伏一切虎  
復以衆虎伏一切師子遂權得爲王既作王  
已復作是念我今爲獸中王不應以獸爲婦  
便乘白象率諸群獸不可稱數圍迦夷城數  
濟四百千市王遣使問汝諸群獸何故如是野狐  
答言我是獸王應娶汝女與我者善若不與  
我當滅汝國還白如此王集群臣共議唯除  
一臣皆云應與所以者何國之所恃唯賴象

馬我有象馬彼有師子象馬聞氣惶怖伏地

戰必不如爲獸所滅何惜一女而喪一國時

一大臣聰敏遠略而白王言臣觀古今未曾

聞見人王之女與下賤獸臣雖弱昧要殺此

狐使諸群獸各各散走王即問言何計將兵

馬出大臣答言王但剋期戰日先當從彼求

索一願願令師子先戰後吼彼謂吾畏必令

師子先吼後戰王至戰日當勑城內皆令塞

耳王用其語遣使剋期共求上願至于戰日

復遣信求然後出軍軍鋒欲交野狐狸令師

子先吼野狐聞之心破七分便於象上墜落

于地於是群獸一時散走佛以是事而說偈

言

野狐憍慢盛

欲求其眷屬

行到迦夷城

自稱是獸王

人憍亦如是

領統於徒衆

在摩竭之國 法王以自號

爾時迦夷王者我身是聰敏大臣者舍利弗是野狐王者調達是諸比丘調達往昔詐得眷屬今亦如是故佛說偈云

善人共會易 惡人共會難 惡人共會易

善人共會難

又佛本行經云爾時佛告諸比丘言我念昔

有一河名波利耶多此言彼節時彼河岸有一人

是結華鬘師其人有園在彼河側而彼河內

時有一龜從水而出至華園中求食而行處

處經歷踴壞其華時彼園主見龜壞華園主

即捉置於一筐篋中將欲殺食彼龜作念云何得脫此難作何方便誑此園主即向園主而說偈言

我從水出身有泥 汝且置華洗我體

我身旣有泥不淨 恐畏汙汝篋及華

時彼園主作如是念善哉此龜善言教我今

不得不取其言我洗其身勿令汙我之華

篋作是念已即手執龜將向水所欲洗龜身

是時彼人即提龜出置於石上抄水欲洗是

時彼龜出大筋力忽投沒水時華鬢師見龜

沒水作如是言奇哉是龜乃能如是誰逗於

我我今還可誘誑是龜使令出水時華鬢師

即向彼龜而說偈言

賢龜諦聽我作意 汝今親舊甚衆多

我作華鬢繫汝咽 恣汝歸家作喜樂

爾時彼龜作如是念此華鬢師妄言誑我彼  
師母患著牀其姊採華造鬘欲賣以用活命  
今作是言定是誑我欲食我故誑我出耳是

時彼龜向華鬢師而說偈言

汝家造酒欲會親 廣作種種諸味食

汝至家內作是語 龜肉煮已脂糰頭

爾時佛告諸比丘言汝諸比丘欲知彼時入

水龜者我身是也華鬢師者魔波旬是其於

爾時欲誑惑於我而不能著今復欲誑何由

可得

又佛告諸比丘言我念往昔於大海中有一

大虬其虬有婦身正懷妊忽然思欲獮猴心  
食以是因緣其身羸瘦瘞黃宛轉戰慄不安

時彼特虬見婦身體如是羸瘦無有顏色見

已問言賢善仁者汝何所患欲思何食我不  
聞汝從我索食何故如是時其特虬默然不  
報其夫復問汝今何故不向我道婦報夫言  
汝若能與我隨心願我當說之若不能者我  
何暇說夫復答言汝但說看若可得理我當

方便會覓今得婦即語言我今意思獮猴心  
食汝能得不夫即報言汝所須者此事甚難  
所以者何我居大海猴在山樹何由可得婦  
言奈何若不得是物此胎必墮我身不久恐  
取命終是時其夫復語婦言賢善仁者汝且  
容忍我今求去若成此事深不可言則我與  
汝並皆慶快爾時彼虬即從海出至於岸上  
去岸不遠有一大樹名優曇婆羅此言水願時彼  
樹上有一大獮猴在於樹頭取果子食是時  
彼虬既見獮猴在樹上坐食於樹子見已漸  
漸到於樹下濟四十三到已即便共相慰喻以美語言  
問訊獮猴善哉善哉婆私師吒在此樹上作  
於何事不甚辛慙受苦惱耶求食易得無疲  
倦不獮猴報言如是仁者我今不大受於苦  
惱虬復重更語獮猴言汝在此處何所食數

獮猴報言我在優曇婆羅樹上食噉其子是  
時虬復語獮猴言我今見汝甚大歡喜遍滿  
身體不能自勝我欲將汝作於善友共相愛  
敬汝取我語何須住此又復此樹子少無多  
云何乃能此處願樂汝可下來隨逐於我我  
當將汝度海彼岸別有大林種種諸樹華果  
豐饒獮猴問言我云何得至彼處海水深廣  
甚難越度云何堪度是時彼虬報濟四十二獮猴言我  
背負汝將度彼岸汝今但當從樹下來騎我  
背上爾時獮猴心無定故狹劣愚癡心生歡  
喜從樹而下上虬背上欲隨虬去其虬內心  
生如是念善哉善哉我願已成即欲相將至  
自居處及獮猴俱沒於水猴問虬言善友何  
故忽沒於水虬即報言我婦懷妊彼如是思  
欲汝心食以是因緣我將汝來爾時獮猴作

如是念嗚呼我今甚不吉利自取磨滅作何  
方便而得免此急速厄難不失身命復如是  
念我須誑虬作是念已而語虬言仁者善友  
我心留在優曇婆羅樹上寄著不持將行仁  
於當時云何不依實語我知今須汝心我於

濟四

十三

當時即將相隨善友還迴放我取心得已還

來爾時彼虬聞獮猴語已二俱還出獮猴見

虬欲出水岸是時獮猴努力奮迅捷疾跳躡

出大筋力從虬背上跳下上彼優曇大樹之

上其虬在下少時停待見猴淹遲不下而語

之言親密善友汝速下來共汝相隨至於我

家獮猴默然不肯下樹虬見獮猴經久不下

而說偈言

善友獮猴得心已 諸從樹上速下來  
我當送汝至彼林 多饒種種諸果樹

爾時獮猴作是思惟此虬無智即說偈言  
汝虬計校雖能寬 而心智慮甚狹劣  
汝但審諦自思忖 一切衆類誰無心  
彼林雖復子豐饒 及諸菴羅等妙果  
我今意實不在彼 寧自食此優曇婆  
爾時佛告諸比丘言當知彼時大獮猴者我  
身是也彼虬者魔波旬是於時猶尚誑惑於  
我而不能得今復欲將世間五欲之事而來  
誘我豈能動我此之坐處

又雜寶藏經云昔有鳥梟共相怨憎鳥待晝  
日知鳥無見踰殺群梟散食其肉梟便於夜  
知鳥眼闔復啄群鳥開臍其腹亦復散食畏  
晝畏夜無有竟已有一智鳥語衆鳥言已爲  
怨憎不可求解終相誅滅勢不兩全宜作方  
便殄覆諸鳥然後我等可得歡樂若其不爾

終爲所敗衆鳥答言當作何方得滅讎賊智

烏答言爾等衆鳥拔我毛羽破我頭我當設  
計要令殄覆即如其言憔悴形容向梟穴外

而自悲鳥聞其聲已便言今爾何故破傷來  
至我所鳥語梟言衆鳥讎我不得生活故來

相投以避怨惡時梟憐愍遂便養給恒與殘

肉日月轉久毛平復鳥作微計銜乾樹枝  
并諸草木著梟穴中似如報恩梟語鳥言何  
用是爲鳥即答言孔穴之中純是冷石用此  
草木以御風寒梟以爲爾默然不答而鳥於

是即求守孔穴作給使令用報恩時會暴雪  
寒風猛盛衆梟率爾來集孔中鳥得其便尋

生歡喜銜火用燒梟孔衆梟一時於孔  
焚滅爾時諸天說偈言曰

諸有宿嫌處 不應生體信 如鳥詐託善

### 焚滅衆梟身

又六度集經云昔者菩薩爲孔雀王從妻五百棄其舊匹欲娶青雀爲妻其青雀唯食甘露好果孔雀爲妻曰行取之其國王夫人有疾夢覩孔雀云其肉可爲藥寤已啓聞王令

獵士疾行索之夫人曰有能得之者娉以季女賜金千斤國諸獵士分布行索覩孔雀王從一青雀在常食處即以蜜炒每處塗樹孔雀輒取以供其妻射師以蜜炒塗身踞坐而候孔雀取炒人應手獲之焉孔雀曰子之勤

身必爲利也吾示子金山可爲無盡之寶子原吾命矣獵者又曰大王賜吾千斤金妻以季女豈信汝言乎剋以送獻汝矣孔雀見王曰大王懷仁潤無不周願納微言乞得少水

吾以慈呪服之疾瘳矣若其無効受罪不晚

王順其意夫人服之衆疾皆瘳華色煒曠宮人皆然舉國歎王弘慈全孔雀之命獲延一國之壽孔雀曰願得投身于彼大湖并呪其水率土黎民衆疾可瘳若有疑妄願以杖捶吾足王曰許可孔雀如之國人飲水並皆得力聲聽盲視瘡語聾伸衆疾皆然夫人疾除國人並得無病兼無害孔雀之心孔雀具知向王陳曰受王生潤之恩吾報濟一國之命報畢退王曰可爾雀即翔飛升樹重曰天下有三癡王曰何謂三耶一者吾癡二者獵士癡三者大王癡王曰願釋之也雀曰諸佛重戒以色爲火燒身危命貪色之由也吾捨五百供養之妻而貪青雀索食供之有如僕使爲狂網所得殆危身命斯吾癡也獵者之癡吾至誠之言捨一山之金棄無窮之寶信

夫人邪僞之欺望季女之妻覩世狂愚皆斯類矣損佛真誠之戒信鬼魅之欺酒藥姪亂或度破門之禍或死入太山其苦無數思還爲人猶無羽之鳥欲飛升天豈不難哉姪婦之妖蠱喻彼魑魅靡不由之亡國危身而愚夫尊之萬言無一誠也而射師信之斯謂獵者愚矣王得天醫除一國疾諸毒都滅顏如盛華巨細欣賴而王放之王始欲殺吾以肉療夫人疾斯謂王愚矣佛告舍利弗孔雀王者自是之後周旋八方輒以神藥慈心布施愈衆生病孔雀王者吾身是也國三者舍利  
濟四十六弗是也獵者調達是也夫人者調達婦是菩薩慈慧度無極行布施如是

又雜寶藏經云佛言乃往過去時有蓮華池多有水鳥在中而住時有鸕雀在於池中徐

步舉腳諸鳥皆言此鳥善行威儀徐序不惱水性時有白鵝而說偈言

舉脚而徐步 音聲極柔軟 欺誑於世間 誰不知詭讒

鶴雀語言何爲作此語來共作親善白鵝答

言我知汝詭讒終不親善汝欲知爾時鵝者 即我身是也爾時鶴雀者今提婆達多是也 又雜寶藏經云佛言於過去世雪山之側有 山雞王多將雞衆而隨從之雞冠極赤身體甚白語諸雞言汝等遠離城邑聚落莫與人

民之所噉食我等多諸怨嫉好自慎護時聚落中有一猫子聞彼有雞便往趣之在於樹下徐行低視而語雞言我爲汝婦汝爲我夫而汝身形端正可愛頭上冠赤身體俱白我相承事安隱快樂雞說偈言

猫子黃眼愚小物 觸事懷害欲噉食  
不見有畜如此婦 而得壽命安隱者  
爾時雞者我身是也爾時貓者提婆達多是  
也昔於過去欲誘誑我今日亦復欲誘誑我  
索我徒衆頌曰

姦情詐癡 今信匪疑 偽現依附 虛誑來隨  
外親內損 凤夜侵移 久共同住 方覺相欺  
惰慢篇第六十一此有二部

述意部 引證部

述意部第一

夫人所以不得道者由於心神昏惑心神所  
以昏惑由於外物擾之擾之者多其事略三  
一則勢利榮名二則妖妍靡曼三則甘脂肥  
濃榮名雖日用於心要無晷刻之累妖妍靡  
曼方之已深甘脂肥濃爲累甚切萬事云云

皆三者之枝葉耳聖人知不斷此三事故求道無從可得如水火擁之然之則其用彌全決之散之則其勞彌薄故論云質微則勢重勢微則質重是以思之則之實由勤功而悟道惰之慢之良由貪聲色而障聖所以釋氏震法鼓於鹿苑夫子揚德音於耶魯尚耳目所不聞豈心識之能契也

引證部第二

如薩婆多論云波羅提木叉之戒五道而言唯人道得戒餘四不得如天道以著樂深重不能得戒如昔一時大目連以弟子有病上忉利天以問者婆正值諸天入歡喜園爾時目連在於路側立待一切諸天無顧看者唯者婆後至顧見目連向舉一手乘車直過目連自念此本人間是我弟子今受天福以著

濟四

十六

天樂都失本心即以神力制車令住者婆下車禮目連足目連種種因緣呵責者婆答目連曰以我人中爲大德弟子是故舉手問訊頗見諸天有爾者不有時目連勸誠釋提桓因佛世難值何不數數相近諮詢受正法帝釋欲解目連意故遣使勑一天子令來反覆三喚猶故不來後不應已而來帝釋白目連曰此天子唯有一天女一妓樂以自娛樂以染欲情深雖復命重不能自割故不肯來況作天主種種宮觀無數天女須食自然百味百千妓樂以自娛樂視東忘西雖知佛世難遇正法難聞而以染樂纏縛不得自在知復如何三塗苦難無緣得戒人中唯三天下得戒北鬱單越無有佛法不得戒以福報障并愚癡故不受聖法

又善見律云時有六群比丘自身在下請法人在高而爲說法以慢法故佛呵責之佛語

比丘往昔波羅柰國有一居士名曰車波加其婦懷妊思菴羅果語其婿言我思菴羅果君爲我覓其夫答言此非果時我云何得婦

齊四

十九

語夫言君若不得我必當死夫聞婦語心自念言唯王園中有非時果我當往偷作是念

已即夜入王園取果未得明相已出不得出

園於是樹上藏住時王與婆羅門入園欲食菴婆羅果婆羅門在下王在高座婆羅門爲

王說法偷果人樹上自念言我偷果事應合死因王聽婆羅門說法我今得脫我今無法王亦無法婆羅門亦無法何以故我爲婦故而偷王果王由憍慢故師在下座自在高座而聽說法婆羅門爲貪利養故自在下座爲

王說法我今三人相與無法我今得脫即便下樹往至王前而說偈言

二人不知法 二人不見法 教者不依法  
聽者不解法 為是飲食故 我言是無法  
爲以名利故 毀碎汝家法

王聞此偈怒偷果人罪我爲凡時尚見非法  
況今成佛汝諸弟子爲下人說法時偷果人  
者我身是也

又智度論云如迦葉佛時有兄弟二人出家求道一人持戒誦經坐禪一人廣求檀越修

諸福業至釋迦佛出世一人生長者家一人作大白象力能破賊長者子出家學道得六神通阿羅漢而以薄福乞食難得他日持鉢入城乞食遍不能得到白象廐見王供象種種豐足語此象言我之與汝俱有罪過象即

感信三日不食守象人怖求覓道人見而問  
言汝作何術令王白象病不能食耶答曰此  
象是我先身時弟共於迦葉佛時出家學道  
我但持戒誦經坐禪不行布施弟但廣求檀  
越作諸布施不持戒不學問以其不持戒誦

濟四

二十一

經坐禪故今作此象大修布施故飲食備具  
種種豐足我但行道不修布施故今雖得道  
果乞食不能得以是事故因緣不同雖值佛  
世猶故飢渴

又百喻經云昔外國節度之日一切婦女盡

持優鉢羅華以爲鬢飾有一貧人其婦語言  
爾若能得優鉢羅華來與我爲爾作妻若不  
能得我捨爾去其夫先來常善能作鴛鴦之  
鳴即入王池作鴛鴦鳴偷優鉢羅華時守池  
者而作是問池中者誰而此貧人失口答言

我是鴛鴦守者捉得將詣王所而於中道復  
更和聲作鴛鴦鳴守池者言爾先不作今作  
何益世間愚人亦復如是終身殘害作衆惡  
業不習心行使令調善臨命終時方言今我  
欲得修善獄卒將去付閻羅王雖欲修善亦

無所及如彼愚人欲到王所作鴛鴦鳴

又百喻經云昔有大富長者左右之人欲取  
其意皆盡恭敬長者睡時左右侍人以腳踢  
却有一愚者不及得踢而作是言若唾地者  
諸人踢却欲唾之時我當先踢於是長者正  
欲咳唾時此愚人濟四即便舉脚踢長者口破脣  
二十一折齒長者語言汝何以故踢我脣口愚人具  
答所由故唾未出舉脚先踢望得汝意凡物  
須時時未及到強設功力反得苦惱以是之  
故世人當知時與非時頌曰

情學迷三教 問者不知一 合尊不結核  
敷華何得實 徒生高慢心 陵他非好畢  
墜落於闇道 關閉牢深密 一入百千年  
萬億苦切逼 對苦悔無知 方由惰慢楣  
聖人善取譬 愚智須明律 英雄慢法時

焉知悔今日

感應緣略引

晉抵世常奉法驗

莊子驗

列女傳驗

文子驗

孫卿子驗

鹽鐵論驗

晉平公驗

論衡驗

奴洗足僧曰恒自洗之何用奴也常曰老病  
以奴自代僧不許常私罵而去僧現八尺形  
容儀光偉飛行而去常撫膺自撲泥中家內  
僧尼行路五六十人望見空中數十丈分明  
奇香芬氤一月留宅

莊子曰人而不學謂之視肉學而不行命之  
曰撮囊

列女傳曰河南樂羊子嘗行得遺金還以與  
妻妻曰妾聞志士不飲盜泉廉者不受嗟來  
之食況拾遺求利以汙其行乎羊子慚棄金  
於野速尋師齊四而學

文子曰上學以神聽之中學以心聽之下學  
以耳聽之

孫卿子曰不登高山不知天之高也不聞先  
王之道言不知學問之大君子之學入乎耳

晉抵世常至晉太康中有富人居時禁晉人  
作沙門常奉法不懼憲綱潛於宅中立精舍  
供養沙門于法蘭亦在其中比丘來者不憚  
後有僧來姿形頑陋衣弊足泥常遂作禮命

著平心布平四支形平動靜小人學出乎口

入乎耳耳目之間四寸耳曷足以美七尺之

軀

鹽鐵論曰內無其質而外學其文雖有賢師良友若畫脂鏤冰費日損功故良師不能飾西施澤香不能加嫫母

說苑曰晉平公問師曠曰吾年七十欲學恐已暮矣對曰暮何不炳燭乎臣聞少而學者如日出之陽壯而學者如日中之光老而學者如炳燭之明炳燭之明孰與昧行平公曰善哉

論衡曰手中無錢而之市決貨貨主必不與也夫胷中無學亦猶手中無錢也

法苑珠林卷第五十四

音釋

駢	百昆切 走也	咩	莫者切 羊鳴也	妙	齒沼切 乾糧也	耶	側鳩切 與鄧同
榰	先結切 限也	鑄	郎豆切 雕刻也				